

pito muy bien e copiosa e conplida mēte. E por q̄ cada vno de dos los d̄hos  
cōcejos touiese vn libro delas dichas leyes e ordenācas q̄ para q̄ por el seā rre  
gidos e gouernados los cōcejos delas dichas cibdades e villas. e sean libra  
dos breue mēte los debates e quisiōnes e pleytos q̄ enellos e enere los dez  
nos e moradores dellos ouiere como dicho es. Mandamos al d̄ho doctor de  
montaluo q̄ fiziese fazer e escreuir muchos delos d̄hos libros de letra de mol  
de lo q̄ el fizo fazer. E por q̄ querriamos q̄ cada vn concejo delas dichas cib  
dades e villas e logares de nros rreynos e señorios que tienen jurisdiccion so  
bre sy e fuesen de dozientos dezinos arriba touiese vno delos dichos libros.  
Mandamos dar esta nra carta pa dos enla dicha rrazon. Por la qual vos mā  
damos a cada vn cōcejo de cada cibdat villa o logar d̄los d̄hos nros rreynos  
e señorios q̄ tengan jurisdicciō sobre sy e buena mēte lo pudierdes fazer tome  
ys vno delos dichos libros de molde. El qual vos sera dado e entregado en q̄  
deznado por martin de montaluo fijo del d̄ho doctor o por q̄en su poder ouie  
re e le deys por el setecientos m̄s en los quales tasamos e moderamos el dy  
cho libro dandodoslo en q̄deznado e firmado por concertado del nōbre de d̄  
cho martin de montaluo. E dadgelos e pagadgelos otro dia luego q̄ llegare  
a cada vna delas dichas cibdades e villas e logares por q̄ non se ayā de dete  
ner enla rrecabdança dellos. En lo q̄ mucho plazer e seruiçio nos fareys.  
Dada enla cibdat de cordoua a beynte dias del mes de marco año del nasci  
miento de nro señor ihu xpo de mill e quatrociētos e ochēta e cinco años. yo  
el rrey. yo la rreyna. E yo alfonso dauila secretario del rrey e dela rreyna  
nros señores la fize escreuir por su mādado. En las espaldas dela dicha cā es  
tauā escriptos los nōbres siguyentes. vidac<sup>o</sup> episcop<sup>o</sup> palētin<sup>o</sup>. johañs doctor  
Andres doctor. johañs doctor. dican<sup>o</sup> yspalez. antonius doctor. s̄aci<sup>o</sup> doctor  
rregistrada doctor. francisco de salmerō chancellez. fecho e sacado fue este d̄  
cho traslado dela dicha cā original del rrey e dela rreyna nros señores enla  
noble cibdat de huete en deite e tres dias de agosto del año cōtenido enla d̄ha  
carta testigos q̄ fueron presentes e dieron e oyerō leer e concertar este d̄ho  
traslado conla dicha cā original. rodrigo ochoa e juā falcō e alfonso fernan  
dez de parada dezinos dela dicha cibdat e yo juā de parada escriuano.

*[Handwritten text in a cursive script, likely a continuation of the document or a separate entry. The text is partially obscured by a large tear in the parchment.]*

*[A large, ornate signature or seal is visible at the bottom of the page, featuring a crown and decorative flourishes.]*